



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Vtî amans anima sacratissimæ Virginis Mariæ excellentiam, beatitudinem,
pulchritudinemq[ue] contempletur maximam. Cap. XI.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

Iesu: cantat nimirum & præcantat, ducitq; choream chori virginæ regina virginum. O quam iucundissime hymnizans, iubilans, organizans, quanta admiratione omnium cœlestium civium in se trahit affectus, in comparatione illius se, linguae & matos iudicantes. Cantat ergo cantrix illa eloquentissima, canticum suum tanto dulcius in aures, immò in dulcissimum cor dulcissimi Iesu, cui olim in curabilis verba suavissima pueriles vagitus consolantia decantarat, quanto illum præ omnibus civibus Syon cœlestis vicinius loco, dignitate, potentia & charitate contemplantur.

O si ad hos mihi cantus suavissimos ascendere liceat audiendos, & inter organa sanctorum cynamomum & balsamum redolentia, inter laudes angelicas incessabiliter resonantes, & cantica virginea singulari dulcedine purissimo sponso placetia, vossem iucundissimam, serenissimam, acutissimam, altissimam virginis & purissimæ matris audire, & cum ipsa, & secundum ipsam pariter decantare, ut magnificaret anima mea Dominum, & exultaret etiam spiritus meus gaudio ineffabili, incomprehensibili in dulcissimo Deo Iesu meo. Credo enim, & verè credo quod vox matris castissimæ, nequaquam vires suas perdiderit, qua per aurem matris audita exultavit in gaudio infans ille maximus in utero matris, prius exultans, quam nascens; prius intelligens, quam sentiens; feliciter & mirabiliter prius gaudens, quam plorans; prius suo regi occurrens, quam ab utero matris prodiens. Felix, dulcis & fortis omnino vox illa tam matrem, quam filium Spiritu sancto implens. Quid putas fieret, si audiretur in coelo in gaudio tam supereminenti; cum tantum virtutis habuerit in terris, & licet in gaudiis cœlesti tamen gaudio non comparando?

Vti amans anima sacratissimæ Virginis Mariæ excellentiam, beatitudinem, pulchritudinemque contempletur maximam.

CAPVT. XI.

O si talem in perfectione eminentissimi decoris tui, in die summæ solennitatis & lætitiæ cordis tui, in iubilo inenarrabili & iucundissimo liceat audire, & virtutem vocis tuæ tum, maximæ perfectionis tuæ convenientem sentire. O si tantum liceat. O si liceat. Quis mihi dabit hoc? Detur hoc quæso detur iam mihi, detur non solum audire, sed & videre hanc, quæ sola cum filio privilegio specialis excellentiæ meruit exaltari, non solum inter, sed & longè super omnes ordines Angelorum, tanto plus præ omnibus habens pulchritudinis & decoris, quæto plus omnibus meruit exaltari. *Ecco tu pulchra es amica mea*, inquit Sponsus speciosus ad illam, *ecce tu pulchra*. Et iterum: *Tota pulchra es amica mea, & macula non est in te*. Et tertio: *O quam pulchra es & decora charissima in delicijs*. Pulchra, pulchrior, pulcherrima. Chara, charior, charissima Pulchra & chara in natiuitate, pulchrior & charior in fecundatione, pulcherrima & charissima in assumptione cœlesti. In pulchritudine duplici, id est, in munditia mentis & corporis: cum simpliciter pulchra diceris, curæ tamen specialiter anteferris, sponso dicente: *Ecco tu pulchra es amica mea, ecce tu pulchra*. Tum autem tota pulchra diceris. Sponso dicente: *Tota pulchra es amica mea, & macula non est in te, non solum alijs, sed & tibi ipsi præponeris*: quia cum dominum Deum tuum concipere meruisti, in utroque decore pulchrior effulsisti: cum vero pulcherrima appellaris, sponso quasi pulchritudinem tuam admirante & dicente: *O quam pulchra es & decora charissima in delicijs*, tam primis duabus pulchritudini-

Cant. 1

Cant. 4

Cant. 7

Cant. 1

Cant. 4

Cant. 8

audimibus tuis, quam choris angelicis excellentissime superferris, ita ut quæ ante pulchra & chara, pulchrior & charior fueras, nunc in delicijs cœlestibus non solum omnibus sanctis & angelis sed & ipsi filio & sponso tuo verè & mirabiliter pulcherrima & charissima videaris. *Quam pulchra igitur & quam decora es charissima in delicijs, quasi aurora valde rutilans, tota formosa & suavis es, pulchra ut luna, electa ut sol, electa ex milibus, quæ dilecto, pulcherrimo, electo ex milibus placuisti.* Cant. 6

Vti amans anima contempletur beatissimam Mariam Dei matrem angelicis spiritibus sanctisque cunctis in cœlis prælatam, cœlestemque curiam sua beatitudine illustrantem.

CAPVT. XII.

O Puella deliciofa, virgo speciosa, mater gloriosa, quæ à proximo tibi clarissimo sole iusticiæ iure tam miram accipis claritatem, ipsa delectabiliter in te radios clarissimæ diuinitatis suæ tam copiosissime refundente, ut inter omnes, immò præ omnibus non tantum filijs hominum, sed etiam filijs Dei, id est Angelis te omnibus spectabilem, mirabilem, delectabilem præbuerit, & suæ simillimam fecerit claritati, clarissima, charissima, dulcissima, doctissima, mitissima, misericordissima, lætissima, lucidissima, cum qua creuit misericordia ab infantia, & de vtero pariter est egressa, ostende mihi desiderabilem & delicatissimam faciem tuam, sonet vox tua in auribus meis. Cant. 1

Te enim ô clarissima cum in speculo aperietur oculorum meorum cæcitas: te enim audiéro ô cantrix suauissima, aurium mearum surditas dirumpetur: si ad me peruenierit tui dulcissimi odoris fragrantia, cuius est inæstimabilis odor nimis, quia te circûdant, in te spirant flores rosarum, & lilia conuallium, quæ ab omnibus filijs supernæ Hierusalem beatissima prædicaris, dicentibus: *Vnguentum effusum nomen tuum: nec immeritò, quia in te filij tui omnis suauitas tam copiosè ab ipso immediate distillat.* Si ergo ad me peruenierit odor tuus, currâ & ego post te, & tecum post spolum odoriferum, donec ab illo tecum in cellam cœlestium aromatum merear introduci. Cant. 4

Videam igitur ô formosissima faciem tuam, solis summi faciei solam simillimam, ducem errantium, lucem cæcorum, audiam vocem tuam singulari sonoritate suauissimam. *Vox enim tua dulcis, ut ipse sponsus testatur, quia diffusa est gratia in labijs & mel & lac sub lingua tua: unde eloquij tui dulcedine tantum ipse dulcissimus filius & sponsus tuus afficitur, ut nihil velit vel possit tuæ dulcedini denegare: quia fauus distillans labia tua, & sicut vitta occinea, nimirum verbis ignitæ charitatis incomparabiliter ardentia.* Videam ergo speciosam faciem tuam, eloquium ardentissimum audiam, ut particeps fieri merear speciositatis tuæ pariter & ardoris. Cant. 1 Psal. 44 Cant. 4 Cant. 4 2. Cor. 3

O quam beati sunt, qui vident te, qui te reuelata facie vident quotidie, qui organum dulcissimæ vocis tuæ audiunt sine defectu.

Vti amans anima, cœlestis Hierusalem beatitudinem, ordinemque sanctorum contempletur, illorumque felicitati congratuletur.

CAPVT. XIII